

Xapa 'inierika teitéri memiyuta'iniataki 'iiwari mayutinetiani 'iiki wiitaari 2026 waana miemeki Sistema OPLE **('Utiarika yaki'ayetewikameki)**

Miyiane Instituto Nacional Electoral, waápai rakawiyati Dirección Ejecutiva del Servicio Profesional Electoral Nacional, mekaniwa'nieka yunaime teitéri kiekátaari memiteumaiku metá memaye'ukakeyu memiteyukihawe waana Servicio Profesional Electoral Nacional del sistema de los Organismos Públicos Locales Electorales memiyuta'iniataki 'iiwari mayutinetiani kiekátaari wahetsiemieme 'iiki wiitaari 2026, maana memitihawarieni hekwamete hiiritiarietate memakine waana Servicio Profesional Electoral Nacional en los Organismos Públicos Locales Electorales metá tsiere mitiuyuteriwa (OPLE).

I. Tiita mete'unieti:

Teitéri memiwaranuyewauni 'anuyehekiakaku, kiekátaari metemarietaku, metá mewatixexeiyati kememite'akumate metá kememite'uyemate tatsiari teitéri memiyuti'uitiani yatini xika yeme 'aixi mehauti'aneneni teitéri memiyuta'iwa metá tsiere xika yeme meyiawaweni memiteta'uuximayata OPLE hetsie.

'Iiki 'iiwarika mekaninetiamiki pai meteku'eriwati kename teitéri memiyuti'uitiani metá memitihawarieni hiiritiarietate memakineki kename yemeki 'ikitiarika me'akumaika, meteutamaiwaweni, parekumeki meteuyexatsikani metá heitserie 'uuximayatsika meyeweiyatiani 'eena kemayetaine yametekahuti, yaxeikia tsiere miiki teitéri tinaime memiteta'iwiya parekumeki memiyiaka, 'anuyehekiakakaku miwewiyani proceso electoral, metá tsire kemayetaine kiekátaari waderechos hetsie mekaniereti.

II. Kemi'ane teitéri piwahetsie mieme.

Memayuka'utiaini mekaniywawei yunaiti teitéri Mekiku kiekátaari memiteumaiku metá memeu'ariku mirayetewatsie Servicio Profesional Electoral Nacional del sistema de los OPLE, xeikia memitixeyarieni kename tinaime mete'aye'atiwani tiita mitiyuku'iwawa 'eena xapa'inierikatsie metá tsiere teitéri memitixeyariexiani xika 'aku 'aixi mehauti'aneneni metá naime mete'uyemaika tiitaki memiteyu'iwatiweni metá keti'aneneme hiiritiarietame memite'unie. Yaxeikia tsiere mekaniywaweni memayuka'utiani teitéri memite'uuximaya Servicio Profesional Electoral Nacional, xika 'aku matsi tixaiti piitá meteheu'uniekuni matsi waikáwa 'uuximayatsika kwinie reuhaname, xika tsi 'aku naime tiita mitiyuku'iwawa 'iiki xapatsie miraka'uxa mete'aye'atiwani.

III. Tiita mitiyuku'iwawa xika heuyu'itiamikini

- Mekiku kwieyaritsie penuiwakameti metá naime kiekátaari waderechos perexeiyati.
- Credencial 'akuruxi maye'uxa hekware pehexeiyati.
- Xeime partido políticotsie peka'ayeweti.
- Tixaititsie pekatiyuta'iwaweti, xeime partido político hetsie pekatiyuta'iwaweti tsikere haika wiitaari 'uuwa miratiyune.
- Pe'akuyiweti 'uuximayatsika pemiwewieniki kiekáritsies mieme.
- Naime peraye'atiame 'ikitiarika kewa hauti'akameki miyuku'iwawa metá tsiere waikáwa petiuyemaiti tiita pemitu'unieka.
- Kemayepaime 'iiki 'iwarika naime pemiaye'atiani.
- Xapa mititewa '8 de 8 contra la violencia' pemiye'tuani 'akuruxi pehaumame.

IV. Keepai me'iyurieni yunaiti memi'iariniki metá xewíti wamikaukahiiwaniki.

'Iiki 'iwarika mititewá Concurso Público 2026, kaniyuyeweyamiki parekumeki metá yunaime teitéri kiekátaari wahetsi me'uti'erieti, yaxeikia metewaxeiyati, yunaiti teitéri yaxeikia meteuhaapana, xeime wamekaukahiatu meka'inanaimati. Yu'aimieme, yamemikateku'eriwa xika xeime menanaimaka metá 'axa metewaxeiyani xeikia ri yiki piitá mutiuniukaniki, yiki piitá memiteyukihaweki, yakatixai wamemikawareukaxirieka xika yiki rekukuyeni, yatini tixaiti tsie tiuti'erieka metá tsepa keepai mirekunuiwa, yunaime tati teitéri yaxeikia mekateneuhaapanani, 'ayumieme yunaiti memayuka'utiwani mekaniywaweni.

Pai meteku'eriwati kename yunaiti teitéri memayuka'utiwani meyiwwaweni, waikáwa 'uuximayatsika kaniyuwewimiki memiteti'enietiyeikaniki yunaiti kiekátaari keepai titi mayetaine 'iiki xapa'inierika metá naiti 'iwarika ke'ayetaine. 'Ayumieme naiti xapáte ke'aneneti manayuyenetiani tepia tsie paiti kananyutini'amiki; metá tsiere 'iiki xapa 'inierika kemipaime matiari kiekátaari waniuki ki kaniyuti'utiamiki; yaxeikia tsiere memiti'ikietiarieni keepai mirayumaiwa micrositio mititewá; yaxeikia tsiere teitéri memayuka'utiaxiani memiti'iwawiyarienitsie mekananukuteitsiemiki, tatsiari xika xewíti kaniuwani mekaniparewiewuni Lenguaje de Señas Mexicana memakumate, yakatixai xika xewiti kayuaweni yatini ka'uyeiwani kaniparewiyamiki, yunaiti mekaniparewiyakuni tsepa keepai maku'ane.

V. Kemayepaime 'iiki 'iwarika Concurso Público 2026.

'Iiki 'iwarika kanayepaimeni 'auxiwi heimana nauka 'iniariyari, tatsiari 'eena miraka'uxa keepai tuukari mitiuyupitiki:

Kemitiyini	Keepauka yamitiyini
Xapa 'inierika manuyutuatiyani	30 de julio 'uti'akameki 14 de agosto 2026
Memiyuti'utiani metá memiyuti'uitiani	7 'uti'akameki 14 de agosto de 2026
Yamemitiyuani teitéri yu'i iwamete kename yu examen mewewieni memiyeweiyani	24 'uti'akameki 28 de agosto de 2026
Examen memiwewieni yu'i iwamete	19 de septiembre de 2026
Yuxapate memitanutini'ani mititixeyarieniki xika 'aku mete'aye'atiwani	10 'uti'akameki 16 de octubre de 2026
Memitixeyarieni xika yumu'utsie mekatekukuyeni	7 de noviembre de 2026
Memiteti'i wawiyarieni	18 de noviembre de 2026 warie teiki mireutiyune
Kememite'uki metá kememiteutihapa manayenetarieni	Huuta tsemana 'umiekaku diciembre metseri 2026
Yamititaniukieni kemi'ane memitayu'i waxia	21 de diciembre 2026 warie teiki mireutiyune

VI. Hakewa matsi waikáwa pireyuta'i wauritiani xika reumaimikini.

Naiti niuki metá xapáte 'eena Concurso Público tsie miyukuxata kanayehukamiki internet hetsie xika peheutahani INE: www.ine.mx

Xika pehau'i waumikini metá parewiya pehauyehiaka pekaneuniumiki **INETEL**, al **800 433 2000** yatini 'utiarika pekananuni'amiki correo electrónico hetsie concurso-ople.spen@ine.mx, tsiere runitsi 'uti'akameki pienixi kaneta'eiyariemiki 'upaikakaku **9:00 'uti'akameki 18:00 horas.**